

Podestà a Este.

† Sier Donado Michiel fo podestà a Ruigno, di sier Francesco, dopio, ducati 600 680.167
 non Sier Bernardin Lipomano fo al canevò, qu. sier Antonio.
 non Sier Zuan Bembo fo al Fontego di tedeschi di sier Zacharia.

Consier a Corfù.

† Sier Zuan Battista Baxeio fo castellan a Zara, di sier Francesco, dopio, ducati 500, poi in do volte azonse 500 summa due. 1000 558.291
 Sier Zuan Barbo fo cao di XL, qu. sier Beneto, dopio, ducati 700 431.415
 Sier Zuan Bembo fo al Fontego di tedeschi, di sier Zacharia, dopio, ducati 700 298.551

Proveditor a le biave.

† sier Polo Bragadin *el grandò* qu. sier Zuan Alvise, triplo due. 700 590.196
 Sier Alvise Bernardo qu. sier Antonio dotor cavalier, ducati 400 . 126.654
 Sier Fantin Contarini *el grandò* qu. sier Polo, ducati 600 375.408

Masser a la moneda di l'ariento.

† Sier Vicenzo da Canal fo capitano a la Zefalonia, qu. sier Anzolo, dopio, ducati 300 638.197
 Sier Antonio Surian qu. sier Andrea, dopio, ducati 300 347.488
 Sier Zuan Valaresso di sier Zacaria, ducati 300 351.480

319 *Di campo vene lettere di Lambrà*, essendo scurtinio dentro, di sier Alvise Pixani procurator, di 24, hore 5. Come el signor Capitano zeneral questa notte et hozi è stato assà ben; dice vol ussir di caxa, et per haver certa indisposition di stòmaco vol cavalchar un poco et la sera tornar a lo alozamento, sichè cavaleando li farà meglio. Manda lettere del signor Camillo Orsini. Scrive come, richiesto dal proveditor Pexaro si parte et va

a Cremona, et poi si ha del partir et esser in cammino come el scrive esser zonto a Roà, et manda avisi di lanzinech, i quali certo se havesseno hauto danari calariano zoso per venir al soccorso di Milan. Li sguizari è zonti hozi in campo, et il magnifico Vizardini ha mandato li 1000 fanti soi dovea mandar a Cremona, i quali partirono hozi a hore 21, sichè a quella impresa saranno 10 milia fanti. Scrive, per il proveditor Zivran di stratioti è stà preso Roseto cavalaro, portava lettere a Milan, veniva di Cremona. Dice che certo il capitano Coradion di lanzinech era stà morto, et per lettere par era ferito, et il capitano Vares spagnol *etiam* è ferito. *Item*, di Milan si ha hozi esserli venute tre stafete di Zenoa, dove par habbi mandato il capitano Zerpelon con la sua compagnia, era in Alexanlria, et il capitano Miramondo con li soi era in Vegevene a la volta di Zenoa. Hozi sono ussiti di Milan da fanti 500, et in campo fo dato a l'arme perchè erano venuti fino sopra li repari, et è stato fatto con loro una grossa scaramuza, et per nostri fo trato tre canonate et fo morti alcuni. Et lui Proveditor fo a cavallo a sopraveder. Scrive, in campo sono pochi italiani, da 2000 in 2500 sguizari, sono assà numero, bella zente; ma le zente d'arme nostre è benissimo in ordine, ma non si poleno operar, perchè al presente si usa schiopi et archibusi. Et parlando hozi col Vizardini zerca sguizari, qual dice compito de livrar ste tre page bisogna tenirne in numero 8000, ma a pagamento diecimilia, il resto mandarli via. Et Chapin è qui, et tien habbi il restante di danari li fo dati per il Re; ma è con il locotenente pontificio, et mal si pol parlarli, *tamen* ló lauda assai. Zuan Andrea da Prato vice colateral stato col capitano Zuan Mella a Mus dal castellan di Mus, et inteso quello vol esso castellan, in parte a raxon; ma di pagar le armate in lago non li fo promesso cosa alcuna. Vol si pagi 500 fanti per guardia del castello di Mus, et voria da 3 in 4000 ducati, et manda suo fradello de qui in campo, *tamen* domanda ducati 12 milia, ma con 4000 si conzeria et vol li 500 fanti. Et domino Scipion di la Tela orator del duca di Milan dice importa assai haver il castello di Mus *cum* noi, et se li potria pagar 300 fanti, però che acordandosi con spagnoli potria impedir di haver Lecho et Como. Scrive, zerca grisoni mandò li capitoli, ha mandato a Coyra al Grangis semo contenti concludi li capitoli però aspetta la retification di la Signoria nostra. Scrive ha aviso del zonzer ducati 10 milia a Brexa; li manderà a tuor per Farfarello; scritto li mandì a Martinengo. Scrive, questi cavalli lizieri non